

增修登州府志卷之六

風俗

太公治齊修道術尊賢智尙有功故至今其士多好
經術矜功名舒緩闊達而足智其失夸奢朋黨言
與行謬虛詐不情急之則離散緩之則放縱

漢志

大抵齊之數郡風俗與古不殊男子多務農桑崇尙
學業其歸於儉約則頗變舊風東萊人尤樸魯故

特少文義

隋書

青州古齊號稱強國憑負山海擅利鹽鐵太公用之

增修登州府志

卷六

風俗

一

而富人管仲資之以興霸人情變詐好行機術豈
因輕重而爲弊乎固知導人之方先務推誠逮乎
漢氏封立近戚武帝臨極儒雅盛興今古風俗頗

革亦有文學

通典

英雄豪傑之士甲於京東文物彬彬而豪悍之習自

若

輿地記

登萊負海之北民性復戾而好訟鬪大抵東人皆樸

魯淳直甚者失之滯固然專經之士爲多

宋史

民多樸野性皆獷直猶有古風凡所施爲質多文少

元志

登州僻處海隅爲古齊極東之境昔蘇軾到官謝表云民淳事簡地瘠民貧其信然大抵其俗皆敦廉恥而薄詐僞崇禮讓而怯爭鬪敬官長而恥逋賦士勤經術民務本圖婦女節烈不勝旌表而說者猥以齊俗概之亦見其泥於陳言而不達水土風氣之宜矣

蓬萊介乎山海之間土疏水闊人性剛強而民習勤儉士務詩書猶有唐魏遺風所謂瘠土向義者與

增修登州府志

卷六

風俗

二

黃縣民俗淳質易治娶婦不舉樂宴客頗合婚禮衣服不綺靡訟獄不事無情之辭不世役奴婢

福山民俗敦厚以急公家完賦稅爲先務以崇廉恥重敦睦爲本圖士習儒雅絃誦相聞

棲霞敦稼穡輕服賈濱海之利九屬皆資惟棲山多土饒不足自贍民性固滯輕去其鄉殆亦貧瘠所致耳

招遠四民有常業六禮有常儀歲時有常節甯樸毋華甯儉毋侈

萊陽氣習醇雅爲士者敬慎好禮勇於爲義敦尚經術人材輩出近雖少衰猶郁郁可觀

寧海俗尚節義縉紳節儉崇讓士衣布食蔬人皆直樸民有恆心

文登近海早寒商賈不通人罕逐末士好經術俗尚禮義男耕女織質掩其文

榮成民安勤苦誼敦矜恤近山者土瘠而鮮蓋藏近海者網利而無常業惟誦讀之聲與機聲相聞

海陽民俗醕樸士習嫻雅歲時伏臘斗酒相勞彬彬

增修登州府志

卷六 風俗

乎質有其文

冠禮

士大夫
家行之

婚禮

初聘用媒妁然後納采不計財禮輕重禮用首飾盤果羊紅鼓樂前導以媒氏押送仍備香燭

女家用香燭之半祭告先祖然後納禮會親族之看盤并備枕履回禮男家亦會親族以所遺香燭祭告如女家之儀一月內男家備羊酒往謝謂之會親是後遇端午重陽饋節物仍參以錦布線

絲女家亦有答禮將娶先期通日用綵幣羊酒盤果金帛表裏布紬等謂之大茶儀如納娶前一日女家使人張陳其壻之室牀帳衣服馬僕御任其豐約謂之陪送是日男家具雞席將禮謂之催妝娶之日壻親迎備彩輿以燈鼓樂導之家徧禮親族尊長畢與同歸至家牽綵導入陳香燭於庭男婦同禮拜壻行合

昏禮分左右坐牀上謂之坐帳次日壻行禮

女家仍設酒肴饋翁姑謂之餽飯三日男婦同拜
父母伯叔及親族謂之賜此後三日九日歸省謂之
族各有一月後綵幣之家謂之住對月各屬禮儀不同
同門一月後回母家謂之住對月各屬禮儀不同
其大略

喪禮

初終告訃掛門紙親識往弔主人號哭披髮跣

足着白布袍報廟三日大斂近多於次日即斂
以無冰也四日乃設奠成服一加衰繫蒜繩延諸生
作禮相計死者之日每七日一祭七七乃罷百日
周年俱有祭間作佛事將葬治喪具槨芻靈銘
旌明器之屬稱家有無設奠受弔與初歿同葬之
前夕設祭用禮相行辭靈禮葬日親友設路祭巷
哭友人皆縞素送於郭外祠土點主皆尊者行之
造墳用槨葬而返奉神主於靈座主人以下哭
有弔者拜之如初三日主人同有服親屬詣墓奠
拜哭盡哀週圍捧土益之謂之圓墳隨往拜弔送
者之門謂之謝孝服闋主人先一日哭盡哀至日

增修登州府志

卷六

風俗

四

祭告從吉各屬皆照朱子家禮行之大同小
祥俗呼頭週年大祥為二週年至二十七而禫
皆詣墓哭釋服以後謂之忌日近來喪家或拘於
風水廣求吉地或家計蕭乏難飾觀瞻停柩動經
數年甚非禮也願維持
世道者勿輕蹈薄俗焉

弔儀

賓至以鼓為節主人候於柩次賓拜主俯伏答
之拜畢乃出次行叩謝禮仍邀別室奉腰帛送

人隨叩首賓答拜畢就位知客者告茶設饌送
賓出門外相揖而退亦有戚友代具酒饌宴弔客

者猶相
助遺意

祭禮

俗乏先祠皆奉主於家祭其高曾祖禰為四親
自忌日生辰外元旦清明中元十月朔冬至除

夕皆設祭品豐嗇不同廢事者近日士大夫
家祭及高曾以上木主環列主祭率子孫上香行

四叩禮奠酒焚楮再行四叩禮有祝文者惟除
夕元旦為特祭懸先人遺像至元夜始撤他如

元薦燈端午薦角黍中秋薦月餅各屬不同至墓

祭雖非古然遺魄所藏以義起無士庶皆行之

士相見禮

房大率春秋兩祭祭畢會族衆以之謂之祭田

亦左主右賓以候於中門之外賓看慰先遣從者投刺主

門揖讓如初至大門外仍各一長揖三讓而別今

俱減

燕會儀

堂一長揖再揖爲謝命坐以齒敘奉茶彼此交換

衆賓畢至行酒主向賓通共一揖賓舉爵酬主如

之如有專席主人行酒先出廳致奠次揖衆賓後

增修登州府志

卷六

風俗

五

請專賓出次授爵先一爵主人長揖授賓受爵

命從者索酒酬主亦如主人禮近悉減主人安上

幼遇尊長及師生列席告坐依行一跪禮席散上

賓向主人行一跪禮爲主人行再跪禮酬賓近

亦減衆賓止一長揖仍各依次分向共一揖而退

立春

同帖邇來儀文甚減無行跪禮者

歸約親厚者聚飲名曰春宴徒隸以鼓吹

元旦

案五更盥沐畢先迎喜神隨方燈謂之接龍陳盤

竹迓歲卑幼俱着綵服抵初一長奉椒酒爲壽詰旦

賀母黨至初三日黎明再設祭焚彩挂謂之送神
女歸賀父母壻亦來賀始及妻黨焉十日內外親
友交相宴飲謂之
請春酒亦名年茶

人日 一日為牛六日為雞二日為馬七日為狗三日為人八日為猪四日為穀俗以陰晴

風雪驗歲又有人謂是日為小人七日

上元 各家以蘿蔔燃炷作燈或昏街市及各巷口皆結棚懸

綵燈各廟張燈於衢獅象龍謂之燈會好

又有煙火會銀花火樹雜以爆竹硨磲花皆遠邇或

名目以競勝子弟陳百戲演雜劇鳴簫鼓謂之秧

歌喧闐徹夜人家皆以糯米作丸俗呼團圓亦名

增修登州府志 卷六 風俗 六

燈其中三日為正燈士民游玩不禁夜燈時候風

色卜菽麥豐凶頗驗又十六日婦女游於南郊及

春分 釀種酒 倉日照方祭牛馬神餉耕牛名曰試犁

二月二日 俗謂之小龍擡頭以蟄蟲始振也小兒剪

熏牀炕曰燠蟲各家庭院用竈灰畫圈謂之打

寒食日 忌百五節拜掃先墓添土築墳或遷葬云無禁

清明 祭先祖男女簪柳枝土人攜尊榼

上巳 士人多出郊踏青為樂女子有鞦韆之戲

穀雨 鄉民用硃砂書

四月八日

浴佛士庶多就僧寺素食

十八日

俗謂是日為碧霞元君生辰各屬多結綵演劇商賈販鬻百貨游人如織謂之趕會

二十八日

俗謂是日為藥王生辰會甚盛

端午

軍校褚柳於教場立綵門以葫蘆貯鵠懸於門上走馬射之謂之演柳家家作角黍汎雄黃菖蒲酒兒女以五綵線纏手足簪艾葉榴花以雄黃塗小兒耳鼻佩朱符或戴艾虎以辟邪四民皆嬉

樂游竟日聚飲為

樂是日多蓄艾

夏至

薦新麥

六月六日

曝衣服書畫蓄水作醬醃物經年不腐又宜作醋及麴懸鳳眼草於竈避蠅

立秋

戴楸葉

增修登州府志

卷六

風俗

七

七月朔

海神廟有香會七日乃罷

七月七日

七夕婦女祀牛女設瓜果穿鍼注水為戲謂之乞巧捉蜘蛛覆碗下天明視之以網

多者為獲巧

中元

祭先祖薦時食城隍神出巡厲壇民家於門外潑漿水祭無依之鬼俗呼為鬼節每歲清明中

元十月朔城隍輒出巡俗云點鬼簿

八月朔

社收露水磨墨點小兒額謂之天灸又秋社日收百草頭露磨墨治病亦名天灸

中秋

庭院設瓜果餅飲賞月以月晦定來歲元宵陰晴

重九日

蒸棗麪花餠釀菊酒相約登高

霜降

先掃一日武弁迎霜於西郊士民聚觀民間復拜先墓自是日霜至十月朔日各屬不同

十月朔

田家祀先晉以報成遂散農作

小雪

是日晴則穀價賤又

冬至

土民宴飲為樂不稱賀

十二月八日

作臘八粥

二十三日

暮祀竈神謂之辭竈亦名送竈祭用饀餅糖瓜

二十四日

掃屋塵謂之除殘自是日至

除日

貼春聯換門神桃符立天燈以綵紙掛門楣封井泉戒三日勿汲至夜明燎爆竹禮百神祀先

祖子弟稱觴為尊長壽謂之添歲亦名辭歲家皆餐餽蝕庭中布穀粘脂麻粘謂之種穀通夕不

寐謂之守歲

增修登州府志

卷六

風俗

八

士學

子弟七歲就塾習詩書者頗多專經兼經各視其姿昔尚根柢之學通經者衆詩古文詞皆習

而之近稍以制義為捷徑

士風

勤學敦名義重然諾不匿喪應試不入公門不峻訟有醜酒擄藉者則衆笑之衣食粗足必

延師訓子弟貧者附塾脩羊

民習

童幼必使讀書荒村僻壤皆有書塾婚禮必親迎婦女皆知廉恥宅必南向聚族而居多不立

誅魃之俗今於嚴禁雖亢旱亦無敢為者澆風

漸革矣至於賽神演戲亦年豐人樂釀錢為一日

司為之制耳

稼穡

正月種春大夏收二月種穀及黍稷棉麻

後種豆及包米俱秋收一秋社種麥又有冬麥俱來
年夏收耕用牛四謂之轉初耘曰分苗再耘曰報苗
耕謂之塌再耕謂之礮水漫用耙種用耨者
植苗耕用犁磨田用碌及板農無田者為人耕
種用鐮收粒或用納租曰佃戶為人傭作曰長工農
月暫傭者曰忙工田多人少彼此相助曰伴工近
郭之家閒開園圃種蔬菜利倍於田而勞亦過之
大抵耕耘收穫北地略同惟登州地處極東節氣
稍晚田多砂石除賦稅外多不能自給士人則分
得耕或倩租所矣

蠶桑 農作外閒治蠶桑其鋪眠分擡之勞屬之田婦
練絲之役多男子共事其野蠶則食擣柞葉蓄
之樹杪無鋪眠勞然亦勤
於護視防為鳥雀所傷

織作 甚蠶絲織本綳山繭之絲縷縷積之織為山紬
甚樸質惟紡棉織布窮鄉山陬無問男婦為之

增修登州府志

卷六

風俗

九

以自衣被勤有餘布亦兼鬻於城市
庶人在官及末作游寓者均需焉
工作 土工瓦工石工木工攻金之工攻
皮之工設色之工大略與各郡同

地處濱海四民之餘有漁者為最或舟或筏清
試海滿止焉餘則有暇即釣或搜索海鮮
漁獵 蛤鬻以餬口其力者多於春初即海濱設網
長至數十百丈結縛窩鋪動聚百人旦夕宿沙際

伺魚大上一網輒獲萬億入夏乃止至秋魚復至
則用撥網而所獲殊少其海口有土著不獵者
往以爭畔致訟又峻嶺深林之間有業獵者張
羅挾銃以取狐兔獾狼昔春秋丁祭有鹿皆責之

獵戶今
樵採 郡城有山而無栽植數十里外始有草場僅資
畜牧終歲柴薪皆仰給於外邑其餘各屬山饒

松柞謂之松嵐各主者貧民衣
薄嚴冬惟恃火炕熾薪取煖焉

商賈

地方狹人稠境內所產不足以給故民多逐利於

萬里皆有登人富者或為當商或挾重貨南抵蘇

廣北赴遼瀋舟航之利捷於他郡自煙臺通商輪

船飄忽競捷爭先亦受其困焉貧者租屋設肆以

逐什一甚至旋市菽麥熟而售之資以餬口其餘

醫巫星卜染人鍼工酤酒鼓

刀駟儉執鞭與他郡略同

增修登州府志

卷六

風俗

十